



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

143. De obitu Venerabilis Bed[a]e S. Vvillibrordi Co[a]etanei &
Encomiastae.

urn:nbn:de:hbz:466:1-10958

DISSERTATIO CXLIII

De obitu Venerabilis Bedæ S. Willibrordi
Coatanei & Encomiastæ.

S Vb annum 735. incidit emortualis dies V. Bedæ viri & eruditione & sanctimonia percelebris. Scio circa illam diuersissimas regnare opinioniones, quam vnã Sigeberti de anno 731. aliàs recensuimus & refutauimus. Marianus Scotus eius transitum signat anno 729. sed ex ipso Beda redarguitur, qui annales suos vsque in annum 731. deduxit. Ex quo multo magis redarguuntur, qui mortuum ponunt anno 700. Tritheimius, inquit Baronius, affirmat excessisse ex hac vita anno 33. rursus alij 34. supra 700. vt inconstans omnium reperiatur esse sententia, sicut & afferentium eiusdem Bedæ annos ætatis, alijs dicentibus annos vixisse 60. cui numero vnum addunt alij, alij vero plures: siquidem Tritheimius tribuit grati ipsius annos 72. Ipse Baronius sultus Epistola Bedæ de æquinotio, eius vitam producit vsque in annum 776. Nonnulli afferunt obiisse anno 742. in festo Ascensionis inchoato à primis vespers citantes epistolam discipuli Bedani apud Baronium ad annum 731. verum oportuisset illos etiam aduertere, Baronium in dictam epistolam annotare mendum irrepisse, scilicet VII. Idus Maij. Vnde etiam interpretantur illud festum Ascensionis pro profesto?

Vt in tanta iudiciorum varietate aliquid conferam, mihi certa stat animo sententia ultra annum 734. aut 735. non vixisse adeoque obiisse anno 734. aut, quod mihi verosimilius

rosimilius, anno 735. Mouent i. nobiles Scriptores Angli, qui monumenta Anglicana utpote domestici exacte discusserunt: quorum vnus Malmesburiensis lib. 1. de gestis Regum Angliæ cap. 3. ait: *Cuius (Celuulphi Regis Northumbrorum) anno 4 Historicus Beda post multos in S. Ecclesia libros elaboratos caelestempatriam, quam diu suspirauerat, ingressus est anno Dominica Incarnationis 734. aetatis suæ 59.*

Rogerus de Houeden annalium parte priori ait: *anno 735 Beda Doctor obiit in Giruum.*

Ethelwerdus Chronici lib. 2. cap. 14. ad annum 734. *In ipso anno quippe observatum est solis iubar, post 3. decursum vnus anni facta est luna veluti sanguinolenta intincta guttis, & in ipsoprasignio Taruine & Beda migrauerunt.*

Nicolaus Harpsfeldius Archidiaconus Cantuariensis, qui historiam suam Anglicanam Ecclesiasticam, ex diuersissimis, tam recentioribus quam veteribus concinnauit, historiæ Anglicanæ seculo octauo cap. 25. tenet, eum in caelestia regna spiritum transmisisse ad annum salutis nostræ 735. Appendix ad historiam Bedæ diferte habet obiisse anno 735. Si longiorem vel longam vitam Baronij gratem vixisset, non dubitandum quin ex archiuis, aut traditione percepissent.

Ita & alij prolixam illam vitam illi negant. Lambertus Scafnaburgensis lib. de rebus Germaniæ obiisse 736. Hermannus Scedel in Chronico 734. Vincentius in speculo historiali obiisse anno 4. Celuulphi Regis Northumbro- rum, scilicet 734. Christophorus Heluicus in theatro historico ait obiisse 735. citatque Centuriatores. Georgius Garneselt Carthusianus in Sanctorum temporibus explorandis quâ plurimum exercitatus & versatus, in epistola quadam ad me data scribit post multam inuestigationem se certo habere mortuum esse Bedam anno 735. Certe

si aliquot supra annum 735. addidisset, videtur suos annales ulterius fuisse producturus Beda.

Præter hæc contra annosam eius vitam militant Epistolæ S. Bonifacij ad varios Angliæ amicos; inter quos est illa apud Baronium supra & Serarium ad Cuthbertum Abbatem, in qua hæc verba: *Interea rogamus ut aliqua de opusculis sagacissimi investigatoris Scripturarum Bedam Monachi, quem nuper in domo Dei apud vos vice candela Ecclesie scientia scripturarum fulsisse audivimus, conscripta nobis transmittere dignemini.* Ex quibus omnino datur intelligi Bedam scribente Bonifacio vitam defuisse; & plane illud importat: *Quem nuper in domo Dei &c.* quomodo de mortuis solemus loqui.

Hic N. obiter, Cuthbertum ad quæ recitata epistola, non esse illum S. Cuthbertum ex Abbate Episcopum Lindisfarnensem de quo Beda lib. 4. Hist. Anglicanæ per sex ultima capita: ille enim ad cælestia migravit circa annum 686. neque illum Cuthbertum Abbatem postea Archiepiscopum Cantuariensem de quo Malmesburiensis, sed alium quendam de quo honorificam mentionem facit Harpsfeldius supra: *Cuius, inquit, labori & industria aliquo modo multa præclara Bedæ monumenta debemus quæ ille præceptore distante, cum ipse alioquin ad scribendum propter incommodam & affectam valetudinem dolorumque magnitudinem impar erat, citato calamo excepit, tanta & ipse doctrina ut Bedæ mortuo Doctoris locum apud suos subiret, qui non solum Bedæ opera industriè collegit & concinne digessit, sed vitam illius individuis illi usque ad mortem comes præclare & summa fide delineavit.* Claruit vero anno 740. teste Molano in annotationibus ad Vsuardum 26. Maij.

Denique cum numerosæ extent epistolæ Bonifacij ad diuersos & quidem diuersis temporibus in Anglia, nulla vero

vero ad Bedam sit, quem tota tamen Anglia imo totus orbis suspiciebat. Inter eas etiam varię consultatorię ad varios, nulla vero interrogatoria ac consultatoria Bedę sit missa, quem tamen omnis Britannia, imo omnis Ecclesia supremum Doctorem venerabatur, argumento mihi est diu ante Martyrium Bonifacij terras deseruisse adeoque omnes esse scriptas post annum 735. Pręualeat itaque sententia iuxta sæpe dictos Authores, scilicet, obiisse Bedam anno Christi 735. Nec puto dissentire eos qui annum 734. statuunt, nam secundum diuersum ritum inchoandi & finiendi annos qui alijs. 34. alijs est 35. Nec Authores semper determinatum annum accipiunt, sed intelligunt circiter id est circa 34. quod consistit cum anno 35.

Conformeriter asserimus obiisse 7. Kalendas Iunij id est 26. Maij in die Ascensionis Dominicę. ita Molanus supra, Harpsfeldius supra, Trithemius, Appendix ad Martyrologium Adonis, Posseuinus in apparatu alijsque plures. Et hoc pacto optimè componuntur rationes. Ex tabulis namque Astronomicis liquet anno 735. littera Domini- cali B. Cyclo lunari 14. Pascha incidisse in 17. Aprilis, consequenter Ascensionem Domini in 26. Maij, Pentecosten in 5. Iunij. Hinc examinandi & probandi qui alijs atque alijs diebus & annis emigrasse Bedam autumant.

Satis hæc sint in gratiam Bedę S. Willibrordi conterranei, coætanei, laudatoris & amici.

DISSERT-